

**ANNUS VLTIONIS  
DOMINI IN  
SACELLO  
ARCHICONFRATER  
NITATIS...**

---

Filippo Capistrelli



# ANNVS VLTIONIS DOMINI

In Sacello Archiconfraternitatis

## SANCTISS. CRVCIFIXI

APVD S. MARCELLVM;

PER D. IOANNEM ANTONIVM

COSTA


Presbyterum Tycinensem.

*Feria sexta ante Palmas harmonicè expressus.*



ROMÆ, Typis Ioannis Francisci Buagni. 1701.

*Superiorum permissu.*



# ARGOMENTO.

**L'**Anno, di Vendetta del Signore ad Israele, dalla creazione del Mondo Tremilefimo Centesimo cinquantesimo primo, nella Quinta Età, Regnando nel Trono di Giuda Gioràmò figliuolo di Giosafat e nel Trono d'Israelle altro Gioràmò figlio d'Acabo, essendo Sommo Sacerdote Gioiàda: Non volendo il giustissimo Iddio lasciare impunita l'idolatria di Acabo e lo scempio da lui ordinato de Profeti à soggezione dell'iniquissima Giezahlle; impone ad Eliseo il Profeta, che unga in Re d'Israelle Ieu figliuolo di Giosafat di Namfi con ordine precettivo, che unto che egli sia debba estermiare tutta la Progenie di Acabo.

Seguito Ieu dalla più parte de Principi e del Popolo, Creato in suo Generale Badacer, & ucciso con un dardo Gioràmò Re d'Israelle, si porta al possesso di Giezahlle, oue Giezahlle regnaua.

Giezahlle per abbattere, senza combattere, Ieu, si arma di Belletti, e pomposi ornamenti, e si asiede à una fenestra del suo Palazzo.

Entrato Ieu trionfante in Giezahlle volge à Giezahlle lo sguardo, chiede chi fosse, e ragguagliatone, la fa precipitare, e dopo qualche tempo nel voler farla sepelire, li significa Badacer, esser stata l'infelice mangiata da' Cani, auueratosi in ciò il predetto da Elia: Onde Ieu si porta al compimento dell'Esternio di tutta la Casa di Acabo.

Per la cui Stirpe infetta

Scese à Israel d'un Dio l'alta Vendetta.

A 2

PER-

# P E R S O N Æ.

Iehu filius Iosaphat filij Namfi, Rex Israel.  
Badacer eius Dux.

Principes Israel.

Iezabel filia Ithobali Tyrriorum, & Sidoniorum Regis, & Coniux Achab Vidua.

Tares Princeps Eunuchorum Iezabel.

Populus Iezrhael.

Eunuchi Iehu.

PARS

# PARS PRIOR.

*Iez.*



VRGE, congaude Iezrhael,  
Regnat in te gloriosa,  
Regum filia, Vxor, Mater speciosa.  
Iezabele felicior

In Israel non fuit

In Mundo non erit:

Cor inter ardores,

Delicias maiores

Non capit, non querit. Iezabele &c.

Vos ergo Pueri, Ancillæ,

Vt tranquillè viuamus

Ad Lucos nostri Numinis eamus.

*Ieh.* Sanguinem Prophetarum

Ad Æthera per Riuos lacrymarum

Exorantem,

Clamantem

Audiuit Deus Vltionum,

Per quem ascendit Iehu ad Israel Thronum.

Tuba sonans me requirit

Ad triumphum, ad vindictam:

Mea de manu Deus exquirat

Achab Domum desolatam,

Solo equatam & deuictam.

Tuba &c.

Badacer tu me sequere;

*Bad.* Regis imperia exequi

Fidelem Ducem exhilarat:

*Ieh.* Vincemus,  
Cœlo rebelles omnes opprimemus.

*Bad.* Est Badacer in pectore  
Cor semper implacabile:  
Ad Fremitus,  
Ad Gemitus  
Sistit inexorabile.      Est Badacer &c.

Impetum inimicorum  
Iniquorum fugabo,  
Disperdam, dissipabo,  
Vt umbras ortus lucis:  
Meo Regi Anima erit Anima Ducis:

*Ieh.* Mi Dux,

*Bad.* Mi Rex,

*Ieh.* Regnare,

*Bad.* Triumphare

*Ie. & Ba.* Speremus è Cœlis:

Ioram cum cecidit

*Ieh.* Mihi nunc tradidit

*Bad.* Tibi Regium sceptrum Israël.

Mi Dux &c.

*Bad.* Hodie vt Iezrahel Populum

Ad te inspicias pronum,

Vado, Tibi, mi Rex, parare Thronum.

*Tar.* E meis ocellulis

Diffundens viscera

Tares

Tares ò Iezabel

Venit ad Te:

*Iez.* Exponas

*Tar.*

Ioram tuus filius,

Vita solutus,

Iacet volutus

Cruore in se. E meis &c.

*Iez.* Siste, heu me infelix! Baal & Cœli Numina

Mei Nati necem asperam

Vos adhuc sustulistis?

Ah mihi reliquistis

Vertere in dira tela amara lumina.

Mulier enim offensa

Est in vindicta sua semper infensa.

Ira in pectore agitata

Fit incendium e scintilla:

Sum Regina, sum irata,

Mihi erepta est mea pupilla.

Ira &c.

Eliam cum suis socijs,

Et Nabot, vt disperlit Manus mea,

Sic Iehu augebit Iezabel trophœa.

*Tar.*

Tui scutum Cordis

Meum adest pectus:

Contra vniuersa

Tuo Regno aduersa

Tibi concordis

Meus est affectus.

Tui &c.

A 4

*Iez.*



*Iez.* Cor meum per te letabitur,  
Cum in Hostium cruore  
Suo extincto furore, ira placabitur.

*Tar.* Meis acquiesce consilijs:  
Nam, vt viuere in filijs  
Parentibus optatum,  
Regibus ita in subditis est datum.

*Iez.* Timeo

*Tar.* Spera

*Iez.* Per te

*Tar.* Per me regnare:

*Iez.* Dubia,

*Tar.* Vera,

Quod spes predicat,

*Iez.* Mihi dicit lacrimare.

*Tar.* Tibi dicit consolare. Timeo &c.

*Iez.* Aduentum Iehu ignotum.

Vt mihi notum referas, perquire,

Vade caute require illius mentem,

Vt vincere queam arte artem frequentem.

*Tar.* Pergo pede sollicito

Mea Domina, Ego seruulus

Occulta penetrare:

Meum famulari est, tuum imperare.

*Ieh.* Ad quæ me elegit Dominus

Qui Mundi infirmis confundere scit fortia,

Principes à me audistis

Et Ioram in Interitu vidistis.

Pectora

Pectora ergo confortia,  
In adimplendo Dei iusta mandata,  
Et exhibete Deo corda parata.

*Bad.* Milites fortes,  
In prælio confortes,  
Dei mirabilium Nos firmet Memoria:  
Sancta pro Lege  
Cum Rege certantes  
Inuitat festantes Nos Iezrahel gloria.

Milites &c.

Tu Deus, cui Mare & Venti  
In sonitu vehementi  
Impetus cedunt suos,  
Tuo Brachio cum potentia,  
Nunc tui Amoris clementia agnosce tuos.

*Ieh.* Regnator  
Gloriæ Dator  
Ad Nos conuerte Te:  
Pro te dum Nos pugnamus,  
Speramus in Tui spe.

Hostes ne timueritis,  
Victores, vt fuistis, hodie Vos eritis.

*Princ.* Vt Impios debellemus

*Ifr.* Ad conflictus, ad Palmas euolemus.

*Tar.* Sicut Leo in latibulis  
Qui abscondite infidiatur,  
Sic Tares pes vagatur  
Per Agmina inimica,

Ad

Ad explorandum Hostes facie amica .

Dogmata aduersa bonis

Talia Regina dicit , Regia docet ,

Simulando

Adulando

Hæc cum blanditur donis

Lingua necat, & nocet ;

Ab ista exulat Probitas ,

In ea est Virtus subdita ,

Quia omne scelus imperat ;

Audax, contumeliosus

Hic per nequitias suas surgit gloriosus .

Ab Aula , vt laus ,

Est fraus amata :

Deserere Victum , & sequi Victorem

Est Hostium furorem

Deuincere & Fata .

Ab Aula &c.

**PARS**

# PARS ALTERA.

*Tar.*



D te Auroram decoram  
Me ducit noua Lux;  
Quæ vt leta enunciet, leta exurgit Dux.  
Mea per somnia  
Fauſta omnia vidit Mens:  
Vidit Iehu in preceps datum,  
Et quòd pectus vulneratum  
Cruentabat Canum dens.      *Mea &c.*

*lez.* Heu qualia fers fatalia ?

*Tar.* Aliena ego ſomniaui, & tu cruciaris ?

Tu pro eis lacrimaris ?  
Regium cia pectus anima.

*lez.* Per ſomnia quoque exagitur Anima.

Cordi præſago

Funèſta Imago auget timores :

Non mea prenuncias

At mihi nuncias merores.

*Cordi &c.*

*Tar.* Tu falleris . . . .

*lez.* Incauta quo me ducit . . . .

*Tar.* Somniaſti in ſomnijs meis;

*lez.* Ego ſomniaui.

Serena hæc dies,

Quo manet quies, adducit

*Tar.* Regnabis . . . .

*lez.* Ad Triumphum me paraui.

*Mihi*

*Iez. & Tar.* **Mihi** sceptrum auferenti  
**Tibi** Vitam tollam, & Coronam :  
Velut Mare Iehu frementi  
Metam vltimam imponam. **Mihi &c.**

*Iez.* Baal, si deprecaberis,  
Vt ego victrix sim, tu dominaberis.

*Bad.* Bellatores  
Ad furores  
Vestra Corda suscite :  
Iubet Deus, iubet Lex  
Tuba clamat, clamat Rex  
Arma sumite, pugnate. **Bellatores &c.**

*Ieh.* Cunctis & ferro & strage  
Impressæ propter Deum sint mortis plagæ.  
Non etenim Agnorum  
Sed Regum Ducum Principum  
Sanguine vult repleri,  
Vt Coetus Populorum  
Valeat Iustitiam eius confiteri.

Dei iussa seruanti  
Non imperat Mors :  
Et Cordi constanti  
Est famula Sors.

*Bad.* Patrio vigore armamini  
En Iezrahel, ad triumphum en accessus,  
Eia festinate gressus, roboramini;

*Ieh.* Omnibus deneganda  
**Nulla**

Nulla sit salus Impiis speranda.

*lez.* Exurge Tares, propera,  
Occurre Iehu, accelera,  
Finge Triumphanti plaudere; hac infidia  
Iezabel para nunc tuta presidia.

*Pop. lez.* Veni Bellator,  
Veni Triumphator,  
Rex. noster veni.

*lez.* Fac nunc Baalam,  
Vt Iehu me diligat,  
In me sistant suæ pupillæ:  
Tunc intensas  
Per me accensas  
Sustinebit flammæ mille.

Fac &c.

Sic sine pugna imbellis triumphabo,  
Et in folio stabo Urbis captivæ.

*Pop. lez.* Iehu Rex noster viue.

*Tar.* Tu Pacis  
Veracis  
Largitor, Fundator:  
Tu Regni Israelis  
Electus è Coelis  
Inuictus Regnator.

Tu Pacis &c.

Tibi Gloria, & Victoria  
Sint Dies, sint Anni pleni.

*Pop. lez.* Veni &c.

*Ieh.* Vestris patet in oculis  
Cordis amantis amor,

Quem

Quem mihi Complaudentium firmat Clamor.

Quæ est illa, quæ in Turri, vt Sol, luceſcit?

Iez. Vicisti Cor, Iehu propter me languescit.

Bad. Iezabel illa est, cuius Os improbum

Ad Ritus suos impios

Maritum, filios acuit,

Baal in Israel expetiit,

Et suis blasphemijs nostrum Deum impetiit.

Innocentes mactauit,

Iustorum cedes mouit,

Stultos promouit, impios exaltauit.

Hæc Reginarum pessima,

Hæc Mulierum omnium nequissima

Agere numquam horruit,

Quod Os referre, auris audire exhorruit.

Per eam . . . .

Ieh. Sat te dixisse,

Et me audisse satis:

Lumina Pietatis

Claudo. Eia Eunuchi nunc satagite

E' fenestra precipitem eam agite.

Iez. Venite Regis Pueri

Regina expectat Vos:

A Vobis comitata

Videbor inter prata

Vt Venustatis flos.

Venite &c.

Præter spem, præter mentem

Vnde

Vnde hoc mihi? heu in Iezabel sic agitis?

Quæ lex . . . . .

*Eunuc.* Qua imperat Rex,  
Tuum exitium adorere.:

*Iez.* Baal, Achab . . . . .

*Eun.* Consortem  
Per mortem sequere:

*Iez.* Succurre,

*Eun.* Ad Inferos:

*Iez.* Festina,

*Eun.* Declina morere.

*Iez.* Baal Achab heu heu he. . . . .

*Tar.* Non fuere nec laruæ, nec vmbrae,  
Quas Cor vidit, dum inspicit Frons:  
In momento  
Ferali portento  
Sic in Vallem redactus est Mons.  
Non fuere &c.

*Ieh.* Ad totam Achab progeniem  
Perdendam, eruendam procedamus  
Vt Dei iussa impleamus.  
Interim Vos adite,  
Et maledictam illam sepelite.

*Bad.* Miseræ infelix exitus  
Præiuit Voto tuo;  
Eam Canes condidere in sinu suo.

*Ieh. &* Elias quæ iam prædixit,

*Bad.* In Israel ecce impleta:

Sic



Sic ei , quæ Nos afflixit ,  
Hæc posita fuit meta .

Elias &c.

*Ieh.* Ab illa etenim Vena  
A qua prorupit culpa, erupit pœna.  
Quia **DEI RETRIBUTIONIS**  
Hic in Israel est **ANNVS VLTIONIS.**

*Tar.* Iezabelem Vos , quæ sequimini,  
Iezabelem intuemini:  
Hæc, quia Iustis Fera fuit ,  
Lacerata pœnam luit,  
Fructum parem impio Semini.  
Iezabelem &c.

*Ph: Capiſtrellius .*



**F I N I S .**

